

Kultur pillugu politik

Kommuneqarfik Sermersooq
2010- aprili 2013



Imarisai

Aallaqqaasiut.....	3
Siunertaq	4
Oqariartaaseq kultur.....	4
Kulturikkut tunngaviusumik naleqassutsit	4
Takorluukkat.....	5
Kultur pillugu politikimi sammisat pingaarnert	6
Eqqumiitsuliornikkut pitsaassutsit.....	7
Kulturikkut tamatiguussutsit.....	7
Kultur meeqqanit paasineqarsinnaasunngorlugu.....	9
Tamanut kulturi.....	11
Illoqarfiit pingaarnersaat kulturikkut qitiusumik piorsaaffittut	12
Suliniuteqarfiit pingaarnert	13

Aallaqqaasiut

Kommuneqarfik Sermersuumi kultur pillugu politik kalaallit qangaaniilli kuluritoqaat sukkasuumik ilorraallu tungaanut ineriartortinneqarneranik eqqortumik aallaaveqarpoq.

Kulturikkut oqaluttuarisaanerput takeqaaq, anersaakkut atortutigullu; kulturilli ilisarnaatai tasaanerupput pilersaarutaanngitsumik ingerlaannartumillu maannakkut pisunut attuinerit, taamaattumillu ingerlaatsimi siumullu sammisumik uummaarissuuvoq.

Kulturi inuuneraarput. Eqqumiitsuliornerup kulturillu, allanit assigineqanngingajattumik, misigissutsit itertillugillusooq pisarpaatigut; tupaallatsinneqartarpugut, nuannaartinneqartarpugut, mamiatsatsittarpaatigut, tupaallatsittarpaatigut, illartittarpaatigut qiatittarlutalu.

Kulturikkut misigisat inuit akornanni attavileeqataasarput, kulturi ataatsimoorfinnik pilersitsisarpoq tamakkunanilu ukiut, suaassutsit, sumit kingoqqisuuneq, sumiuussuseq, upperisaq assigiinngissutaasinnaasullu allat apeqqutaatinnagit naapeqatigiittarpugut.

Kommuneqarfik Sermersuumi kulturimut ataatsimiititami kulturip politikerinit eqqummaariffigineqarnerunissaa kissaatigineqarpoq. Tassa imaappoq kulturi sammineqarnerulissasoq kulturimullu aningaasanik amerlanerusunik aningaasaliissoqartalissasoq.

Kommuneqarfik Sermersuumi tamarmi kulturikkut inuunermi atugassarititaasut aamma kulturilerisut kulturikkullu neqerooruteqartartut atugassarititaasut pitsanngorsarneqarnissaat kommunalbestyrelsip anguniagaraa, kommune innuttaasunut, namminersorlutik inuussutissarsiuteqartunut aamma najukkani nunarsuarmilu tamarmi kulturilerisunut pilerinarnerulissaaq.

Kommuneqarfik Sermersuumi kulturikkut nutaaliorluni suliniutit arlallit aallartinneqareerput siunissamilu amerlanerit takkussuuttussaallutik. Kommuneqarfik Sermersooq kommuniuvoq aningaasatigut, inuttut kulturikkullu allanngorarfiujuartoq. Kommuneruujussuarmi nutaami attaveqarnerit ungasissutsillu eqqarsaatigalugit unamminartunik suliakkiisoqarpoq, kisiannili Kultur pillugu politik ingerlajuassaaq.

Kultur allanngoriartorfimmi timaliilluni aallartitsissutitut ilisarisismaneqluurtutut misilerarluarneqarsimasutullu sakkuuvoq; allanngoriartorerilli ataavartuummata Kommuneqarfik Sermersuumi kulturip pingaartinneqarnissaa tulluurtuuvoq.

Atuarluarisi!

Mille Søvdahl Pedersen

Kulturimut ataatsimiititami siulittaasoq

Asii Chemnitz Narup

Borgmesteri

Siunertaq

Kultur pillugu politikimi siunertarineqartut:

- Kulturimut tunngasuni kommune suniarnersoq pillugu akissutaassaaq
- Pingaarnersiuinernut pingaarnertut tunngaviussaaq
- Periutsinik iliuusissatullu pilersaarutinik ilusilersuinermi kultur pillugu politikimik tunngavissiinissamut qulakkeerinnittumik sulinermi sakkutut aallaaviussasoq
- Politikikkut anguniakkanik, kulturimik neqerooruteqartartut suliannik ingerlatsivimmi suliniutinik ataqatigiittoqarneranik qulakkeerinnissaaq
- Illup avataani suleqatigiinnermut tunngavissiisuussaaq
- Kulturikkut piorsaaneq, pitsaassutsinik qulakkeerinnineq, nutaaliorneq suliassallu pillugit siunnerfiussaaq
- Kommunimi inoqarfinnik 13-iusunik aamma najukkani ilisimasanik nunarsuarmilu tamarmi isigisanik attaviliisuussaaq
- Najukkani, nunap immikkoortuani, nunami tamarmi nunarsuarmilu kulturikkut ataqatigiissitsissaaq.

Oqariartaaseq kultur

Kulturikkut assigiinngissitaarnerit assigiinngitsorpassuupput ulluinnarni ileqquneersuusut, ilisarnaatitut abstraktitullu ittut soorlu upperisarsiorneq, eqqumiitsuliorneq, eqqarsaqqissaartarneq ilisimatuussuserlu. Kommuneqarfik Sermersuumi kulturi oqariartaatsini amerlasuuni takuneqarsinnaavoq taamaattumillu kultur pillugu oqaasiliornerni kulturip annertussusianik erseqqissaasuulluni.

Kulturikkut tunngaviusumik naleqassutsit

Kulturi inuunitsinnut kommunitinnullu tunngaviusumik naleqassutsinik arlalinnik tunniussaqtartarpoq. Kulturikkut inuuneq peroriartornitsinni inersimasutullu inuunitsinni isummertarnitsinnut tunngavissisarpog. Taamaattumik pitsaasumik inuuneqarnissamut tunngaviit kulturimi annertuumik tunngavissinneqarsimapput, tamakkulu immitsinnut inunnillu allanik paaseqatigiinnissatsinnut iluaqtaavoq.

Kulturip unamminartunik tunisinnaavaatigut, taamaalilluta alaatsinnaannerulersilluta ineriartornitsinnullu iluaqtaalluni.

Kommunalbestyrelsip kultur pillugu politikia kulturikkut inuttullu tunngaviusumik naleqqassutsinit arlaliusunit piorsagaavoq tamakkulu ataatsimoorlutik Kommuneqarfik Sermersuumi kulturikkut maannakkut siunissamilu inuunerup uummaarissineranut/nissaanut tunngaviupput:

Ataqatigiinneq – Ataqatigiinnermik misigisimaneq kommunimilu innuttaasuni tamani ataatsimoorfiit najukkami kulturi immikkuullarissutsillu ataqqillugit inerisarneqassaaq. Ingerlaaseq tamanna pingaarutilik kultur pillugu politikimit uummarissumik aallartinneqassaaq, taamaalilluni kulturi najukkat akornanni attaveqaatit atuuñissammat.

Ataqqinninneq – Kommuneqarfik Sermersuumi kulturikkut tamatiguussutsit iluanaarutit annertuumillu sillimmatit, kalaallit inuttut tarnaanit aallaaveqarluni aamma kulturimut assigiingitsunik isummertarneq ataqqillugu kultur pillugu politikimik ataatsimoortumik qulakkeerininnissamut nukittorsaataavoq, taamaalillutik oqariartaasitoqqat oqariartaatsillu nutaat imminnut ataqqillutillu isummersoqatigiñniassammata.

Suleqataaneq – kommune kulturikkut anguniakkat siunertaqarluartumik angusaqarluarniartumillu angunissaannut suleqataasoq innuttaasunit malugineqassaaq. Kulturilerisut sulilluartuusariaqarput. Tamanna ilutigalugu innuttaasut aamma isumassarsiaminnik suliniuteqarnermikkullu, ataatsimut suliniutinut tunngavissiisinaasunik, suleqataanissaat iluarineqartorujussuavoq.

Tatiginninneq akuerinninnerlu – kulturilerisut, politikerit ingerlatsivimmiullu kultur pillugu politikimik piviusunngortitsinissamut suleqatigiipput. Suleqatigiinneq tatiginninnermik akuerinninnermillu tunngaveqarpoq aammalu kulturikkut inuunerup ingerlallualernissaanut piumasaaqataavoq.

Alikkusersuineq pisuunnguallannerlu – kultur pillugu politik innuttaasut kulturikkut suliniutit kulturikkullu neqeroorutit inuunerup pisuunngortitsisutut, inuulluarnerulernermik, nuannaarnermik, ilisimasaqalernermik, oqqassarinermik, ilisimasaqarnermik, perorsarlugaanermik kinaassutsinillu nukittuunik misigisaqarnerannut iluaqutaassaaq. Tamanna ilutigalugu kulturi aliikkusersuisuussaaq kommunimilu innuttaasut angisuunik misigisaqartittassavai aammalu kikkut tamarmik Kommuneqarfik Sermersooq kommunitut nutaaliortutut misigissavaat.

Takorluukkat

Kommuneqarfik Sermersooq malunnaateqarluartumik kommunitut kulturilerisutut ilisimaneqarpoq, kulturikkut inuuneq ileqqutoqqat nutaaliorterillu aamma Sermersuaq qarsullugu kommunimi innuttaasunik ataqatigiissitsisoq.

Tassa imaappoq:

- Takorluukkat piviusunngortinneqarnissaannut piffissaq aajannarujussuaq, aamma qinigaaffik manna qaangerlugu
- Kultur pillugu politik kulturimik tunngavissiinnermut tunngaviusoq uummaarissuussaaq nutaamillu eqqarsarnermik takutitsissuussalluni, taamaalilluni inuiaqatigiñni nutaaliaasuni ineriartornermi alutorineqartuaannarniassammat

- Kommune kulturikkut qitiusumik piorsaaffinngussaaq taamaalillunilu nunatsinni nunanilu allani pilerigineqarnini ornikkusunneqarninilu siuarsassallugu
- Kommuneqarfik Sermersooq nunatsinni nunanilu tamalaani kommunimi kulturikkut suliat peqataanerillu aqqutigalugit tuniniarneqassaaq
- Najukkani kulturit ataqqineqassapput piorsarneqarlutillu, tamanna ilutigalugu avataanit sunniutit tikilluaqquneqartut ammaffigineqassapput alaatsinaanneqarlutillu
- Kulturikkut suliat suleqataanerillu kommunimi kikkunnut tamanut sapinngisaaq tamaat pissarsiarineqarsinnaasunngortinneqassapput
- Nammineq piumassutsiminnik kulturilerisut amerlisinneqassapput
- Kulturikkut tunisassiat pitsaassusiat pitsanngortinneqassapput
- Kulturikkut piorsartunit piginnaanillit ineriartortinneqartut tunngavigalugit kulturilerisunik nutaanik pikkorissunillu takkussuuttuortoqarnissaa qulakkeerneqassaaq
- Innuttaasut kikkulluunniit ukiut, suiaassutsit, sumit kingoqqisuuneq, sumiuussuseq atuuffiillu apeqqutaatinngit sunngiffimmini kulturimik aalalluartunik ilanngutassiisunillu sunnerneqarlutik inuunissaminnut periarfissaqassapput.

Kultur pillugu politikimut takorluukkat imatut piviusunngortinneqassapput:

Ineriartorneq tunngavigalugu sulisut namminerlu piumassutsiminnik misilittakkaminnik ilisimasaminnillu paarlaasseqatigiittarnerisigut avitseqatigiittarnerisigullu suleriaatsit atorneqartut **nutartissallugit**, taamaalilluni najukkani innuttaasunit tamanit misilittakkat pitsaanerpaat iluaqutigineqarniassammata isummersuutaaniassammatalu. Nunani allani attaveqaatitigut suliatigullu paarlaasseqatigiittarnerit kultur pillugu politikip atuuttussanngortinneqarnissaanut kajumissutsit pitsaassutsillu nukittorsarneqassapput.

Tapiissutit aningaasaliiffigineqarnissamillu periarfissat **paasiuminarsarlugit** siunnerfilerlugillu.

Kultur innuttaasut sianissusaannut Kommuneqarfik Sermersuumi amerlangaassutsinik ataqqinnilluni ataatsimut kinassuseqalernissap angunissaanut pingaarutilittut tunngavissillugu. **Tamatiguussutsit** nukittussutaapput tigussaasumik siumullu sammisumik atorneqartussat, tamakkulu politikimik tunngavissiiinissamut piviusunngortitsinissamullu qulakkeerinneqataassapput.

Kultur pillugu politikimi sammisat pingaarnerit

Kultur pillugu politikimi takorluukkat anguniagaqarluarfiusumiipput kulturimullu tunngatillugu siunniussinernik aningaasaliinerpassuarnillu piumasaqaatitaqarput. Kommune killeqanngitsunik aningaasaateqanngilaq suliniutillu pingaarnersiortariaqarlugit, pingaarnersiuiunerlu taanna sammisani pingaarnerni toqqakkanni takuneqarsinnaavoq, suliniuteqarfiit tassaapput:

- Eqqumiitsuliornikkut pitsaassutsit
- Kulturimi tamatiguussutsit

- Kultur meeqqanit paasineqarsinnaasunngorlugu
- Kultur illoqarfimmi illoqannginnersani
- Illoqarfiit pingaarnersaat kulturikkut qitiusutut

Eqqumiitsuliornikkut pitsaassutsit

Kommuneqarfik Sermersuumi kulturikkut inuunermi pitsaassutsit nunatsinni nunanilu tamalaani kulturikkut oqalliffinni ersarissarneqarnissaata anguneqarnissaa qulakkiissavaat isiginnaartartullu kulturikkut inuuneq pisuunnguallaataasoq alutornartorlu misigissavaat. Oqariartaaseq pitsaassuseq imminut tunngatinniarneqartarpoq, taamaattumik sulianik ilisimasaqarluartunit nalilerneqarnissaa pingaaruteqarpoq.

Anguniakkat

Kommuneqarfik Sermersuumi eqqumiitsulianik kulturimillu neqeroorutit eqqumiitsuliornikkut pitsaassutsinik pitsaasorujussuarnik ilisarnaateqarput

Tassa imaappoq:

- Isiginnaartartut eqqumiitsuliorneq pitsaassutsini pitsaanerpaaq misigissallugu periarfissaqartariaqartut
- Kommunimi kulturi pillugu suliniutinik nalilersuisartussanik kulturilerisunit assigiinngitsunit kulturimut ilisimasaqarluartunik siunnersuisoqatigiiliortoqarnissaa siunniunneqarpoq
- Kommunimi kulturikkut inuuneq sulilluarnermik kulturimullu ilisimasaqarluarnermik ilisarnaateqarpoq
- Kulturikkut inuuneq aamma eqqumiitsuliortut piginnaasaat immikkullu eqqumiitsuliornermi piginnaasat tunngavigalugit saqqummersinneqartarpoq
- Kulturikkut neqeroorutit innunut maannakkut inuusunut ajornartorsiutinullu attuisarput
- Kulturikkut aalalluarluni inuunermut siunnerfeqartoqarpoq kommunilu ineriartornissamut nutaamillu eqqarsarnissamut periarfissiissaaq
- Piorsaanermi piginnaanillit nutaat ineriartornissaannut immikkut suliniuteqartoqassaaq, taamaalillutik tamakku periarfissaat qulakkeerneqarniassammata
- Kommunip atortussani tamani kommunip nunarsuarmut tuniniarneqarfiani kommunip kulturikkut pitsaassutsit pigisai pingaartinneqassapput.

Kulturikkut tamatiguussutsit

Kulturikkut tamatiguussutsit immineeq naleqassuseqarput. Kommunimi assigiinngitsuqalerneranik pilersitsisarput, toqqaanissamut periarfissiisarput innuttaasullu inuunerannik pisuunngortitsisarlutik.

Kulturikkut tamatiguussutsit nutaaliornermut isummersonermullu pilersitsisuupput aammalu eqqumiitsuliornikkut siuariartornissanik, nutaamik eqqarsarnernik kulturikkullu ineriartornermut pilersitsisuusarlutik. Kommuneqarfik Sermersooq tamatiguussutsit kommuneraat kommunilu Kitaaniit Kangianut annertussuseqarpoq inoqarfinnillu asseqanngitsunik 13-inik avatangiiseqarluni.

Kommunimi sumiorpaluutinik assigiinngitsoqarnera najukkanilu immikkut ittunik kultureqarnera nukittoqutaavoq. Kulturikkut kingornussanit ileqqutoqqat oqariartaatsillu inuiaqatigiinnut nutaaliaasunut ingerlateqqinnissaannut periarfissarpassuaqarpoq, tamakkulu qanga inuusimanermit tunngaveqartumik kulturikkut suliniutinik nutaanik ineriartortitsinissamut tunngaviupput. Taamaalilluni qanga pissutsinit ullumikkut pissutsinut siunissaq ungasinnerusoq kommunimilu innuttaasut tamaasa eqqarsaatigalugit ataqatigiissitsisoqarpoq, kulturikkut tunuliaqutaasut apeqqutaatinnagit.

Tamatiguussutsit aamma kulturikkut qanorluunniit oqaaseqarsinnaatitaanermik, kulturikkut kikkut tamat oqartussaaqataanerannik ataatsimoorfimmilu inuit ataasiakkaat oqarsinnaatitaanerannik isumaqarput. Taamaalilluni assigiinngiaarnermik oqariartaatsinillu assigiinngitsunik pilersitsisoqassaaq taamaalillunilu aamma ataqeqatigiittoqalissalluni.

Anguniakkat

Kommuneqarfik Sermersuup kulturikkut amerlangaassuseqarnini ilisarnaatigaa

Tassa imaappoq:

- Eqqumiitsuliortut kulturilerisullu assigiinngissuteqartut, assigiinngitsunik naleqartitaateqartut, suliatigut assigiinngitsunik tunngaveqartut suliatigullu assigiinngitsunik tunuliaqutaqartut
- Aammattaaq ukiut, suaassutsit, inuit aningaasatigut sunneeqatigiittarneranni pissutsit, sumit kingoqqisuuneq, sumiuussuseq, kulturikkut tunuliaqutit aamma timikkut tarnikkullu atuussinnaanerit apeqqutaatinnagit assigiinngissuteqartoqarpoq
- Kulturilerisut inuussutissarsiutigingu kulturilerisuusinnaapput, piorsartut akornnaanersuusinnaapput imaluunniit inuussutissarsiutigalugu kulturilerisuusinnaallutik
- Inuit suliffeqarfiillu nutaaliortut ussassaarniarlugit tigummiinnarniarlugillu suliniuteqartoqarpoq
- Inuit avataaneersut akuliutitinneqassapput, taamaalillutik kulturiutimik nukittussusii atorlugit inuiaqatigiisugut nutaanik paasisaqartissammatigut nunarsuarmilu tamarmi pisunik paasisaqartilerluta
- Kommuneqarfik Sermersooq eqqumiitsuliornerni, ilusileeriaatsini aamma sammisat imarisaallu eqqarsaatigalugit assigiinngitsunik neqerooruterpassuaateqarpoq
- Kulturikkut neqeroorutit annikitsut annertuullu isiginnaartartunut saaffiginnittut takkuttarput
- Pisut annertuut misileraanerillu annikitsut takkuttarput

- Innuttaasut eqqumiitsuliornermik kulturimillu kulturikkut oqaluttuarisaasunik, ileqqutoqqanik imaluunniit nutaamik eqqarsarnerit siumullu samminerit misiginissaannut periarfissaqarput
- Kulturikkut oqaluttuarisaanermi suliniutit eriagisariaqarput, tamannali ilutigalugu nutaamik eqqarsarnerupput aammalu oqaatiginneriaatsinik nutaalianik ineriartortitseqataallutik
- Kommunimi tamarmi kulturikkut suliat neqeroorutigineqassapput
- Kommunimi innuttaasunit tamanit ukiut suaassutsit, inuit aningaasatigut sunneeqatigiittarneranni pissutsit, sumit kingoqqisuuneq, sumiuussuseq, kulturikkut tunuliaqutit aamma timikkut tarnikkullu atuussinnaanerit apeqqutaatinnagit kulturimik atuisoqarpoq
- Isiginnaartartut tamarmik assigiinngitsorpassuupput, aamma takornariat
- Kikkut tamarmik kulturikkut neqeroorutinik nassaarsinnaapput, naak kulturikkut neqeroorutit tamarmik isiginnaartartunut tamanut saaffiginninngikkaluartut
- Kulturi kikkunnut tamanut atuuppoq; kikkut tamarmik ataatsimut kulturitsinnik kulturikkullu kingornussatsinnik piginnittuunermik misiginissaminnut periarfissaqartariaqarput.

Kultur meeqqanit paasineqarsinnaasunngorlugu

Meeqqat inuusuttullu eqqumiitsuliornermik, kulturimik kulturikkullu kingornussanik naapitseqqaartarnerat pingaaruteqartorujussuuvoq. Naapitseqqaarnermiuna tassani kulturikkut neqeroorutinut soqutiginnittoqalersartoq. Taamaattumik naapitseqqaarnerq nuannersuusariaqarpoq aammalu sulilluarluni pikkorillunilu tamakkunanga ingerlatitseqqittoqartariaqartoq. Taamaalilluni inuusuttut meeqqallu siunissami eqqumiitsuliornermut kulturimillu qanigisaqalernissaat qulakkeerneqassaaq. Taamaattumik eqqumiitsuliat, kulturi kulturikkullu kingornussat meeqqanut inuusuttunullu ilisaritneqarnerat kulturilerisut immikkut eqqumaffigisariaqarpaat.

Meeqqanut inuusuttunullu kulturikkut suliniutit assigiinngitsorpassuusinnaapput; inuusuttulli immikkut ittumik saaffigisaanerat eqqaamassallugu pingaaruteqarpoq, tamakkumi kissaatigisartagaat amerlanertigut meeqqaninngarnit allaanerusarmata. Ilaquttat qanigisallu kulturikkut pissuserissaanermi aamma pingaaruteqarput, taamaattumillu ilaqutariit kulturimik atuisuunerat aamma sammineqartariaqarpoq.

Meeqperiviit atuarfiillu meeqqanik inuusuttunillu nutaaliornermik, timikkut nipilersornikkullu ineriartortitsiffiunissaat pingaaruteqarpoq. Tamakkiisumik inunngussagaanni silatussutsit tamarmik saqqummersinneqartariaqarput unammillerneqartariaqarlutillu. Nutaaliornarit pilersitserusunerillu atuagarsorlunilu ilikkagassat pilersinneqassapput. Kulturikkut suliniutit meeqqani inuusuttunilu inoorusussutsimut imminullu tatiginermut iluaqutaapput.

Anguniakkat

Meeqqat inuusuttullu nutaaliornermik piginnaasaat aamma eqqumiitsuliornermut kulturimullu soqutiginninnerat ingerlaavartumik uummaarissarneqartariaqarput, akuerineqartariaqarput aamma nalinginnaasumik ineriartornerannut ilaajuartariaqarput

Tassa imaappoq:

- Meeqqanut inuusuttunullu, kisimiittunut ilaqtutanullu eqqumiitsulianik kulturikkullu sulianik akuttunngitsumik neqooruteqartoqartassaaq, taamaalillutik tamakku eqqumiitsulianik ulluinnarni naapitsisarnerat siuarsarneqarluni
- Meeqqat inuusuttullu kulturimik atuisutut ilanngunneqartariaqarput, aammali kulturilerisutut
- Kulturikkut neqeroorutit ilaqtuariinnut ataatsimut kulturitut atuisutut atugassanngortinneqassapput, taamaalilluni kulturi kinguaariinnut arlalinnut ataatsikkut saaffiginnissutigineqassaaq taamaalillunilu aamma ilaqtuariit ataatsimoorlutik kulturimik misigisaqarnerat qulakkeerneqassaaq, tamanna najorteqatigiinnermik ataatsimoornermillu misigisimanermit siuarsaataassaaq
- Kulturilerisut meeqqat inuusuttullu sammissavaat, tassani immikkut ittumik neqeroorutit meeqqanut inuusuttunullu toqqaannartumik saaffiginnittut ilisaritinneqassapput
- Inuusuttunullu immikkut ittunik kulturikkut neqerooruteqartoqartassaaq, tassami tamakku pisariaqartitaat meeqqat pisariaqartitaannit allaanerummata
- Inuusuttut eqqumiitsuliornermut, kulturimut kulturikkullu kingornussanik soqutiginninnerat uummarsarniarlugit taamaatsiinnarniarlugillu internet periarfissatut naatsorsuutigineqarsinnaavoq, tassami internet inuusuttut ulluinnarni inuunerannut nalinginnaasumik aalajangersimasumillu ilaammat
- Meeqqat inuusuttullu, ilaqtutatik ilagisinnaavaat, najukkaminni kulturikkut neqeroorutitik ilisaritinneqassapput
- Meeqqat inuusuttullu atuarfimmi atuareernerullu kingorna imaluunniit meeqqerivinni qanittorisanniluunniit fagini nutaaliorfiusuni atuartinneqarnissaminnik periarfissaqartariaqarput (nipilersorneq, qitinneq, isiginnaartitsineq, filmi tusagassiuutillu, assinik eqqumiitsuliat, atuakkat)
- Kommuneqarfik Sermersuumi eqqumiitsuliorlutut ingerlalluartut atuarfinnut meeqqerivinnullu atuartitsisinnaasunngorlugit, isummersuisinnaasunngorlugit aamma faginik nutaaliorfiusunik nipilersorfiusunillu nuannaartitsisartunik ingerlatitseqqissinnaasunngorlugit qaaqquneqartariaqarput
- Atuarfiit meeqqeriviillu kulturimik tigumminnittutut isigineqassapput

Tamanut kulturi

Kikkunnut tamanut kultureqareerpoq; kisianni eqqumiitsuliorneq kulturilu sulisarsinnerusariaqarput, taamaalillutik kulturimik atuisut atuisuunngitsullu sumiiffigisaminni naapittassapput.

Eqqumiitsuliornerup kulturillu nukittoqutaat tassaapput innuttaasut ulluinnarni inuunerannut ilaasinnaagamik, assersuutigalugu aqqusinerni, suliffinni, atuarfinni meeqqerivinniluunniit, suliaaqqartitsivinni asimilu, taamaalilluni aamma pinngitsoorani misigissutsit oqallinnerillu aallartinneqassapput

Kikkunnut tamanut eqqumiitsuliat kulturilu pisortat suliffeqarfiutaanni assigiinngitsuni toqqortanut soqutiginnitsilersinnaapput. Aammattaaq atuisut nutaat ussaassaarneqarsinnaapput, tassami eqqumiitsulianik kulturimillu nutaamik iliorluni takutisiffigineqarunik soqutiginnilersussaammata.

Illoqarfiit ineriartortinneqarnerannut kulturimut tunngasunik ilanngussuinikkut eqqumiitsuliorneq kulturikkullu kingornussat najugaqarfitsinni angallaffigisatsinnilu ersarinnerulissapput. Eqqumiitsuliat illoqarfinnik kusasaanernut iluaqutaapput aamma innuttaasunut, tikeraanut takornarianullu, taamaalillutik tamakku assigiinngitsorpassuarnik misigisaqarnissaat qulakkeerneqarluni.

Anguniakkat

Kommuneqarfik Sermersuumi najugaqarluni kulturikkut misigisaqarfiusariaqarpoq aamma kommunip kulturikkut inuuffigineqarnera tamanit takuneqarsinnaavoq

Tassa imaappoq:

- Kulturi tamanit takuneqarsinnaassasoq
- Kulturimi eqqumiitsuliornermilu pitsaassutsit kikkunnit tamanit takuneqarsinnaasut pitsaasuupput
- Saqqummersinneqartut innuttaasut tikeraallu nammineerlutik eqqumiitsulianik kulturimullu tunngasunik takuniaarusussuseqalissasut
- Kulturikkut neqeroorutit sumiiffinni nalinginnaasuunngitsuni pilersinneqassapput, taamaalillutik isiginnaartartut kulturikkut misigisanik ilimaginngisaannik pisuunnguallatsinneqartarniassammata
- Najukkani kulturilerisut suliniutinik ineriartortitsinissaannut qaaqquneqassapput, suliniutit kulturimik sumiiffinni nalinginnaasuunngitsuni tamanillu takuneqarsinnaasuni neqeroorutit immikkut sammeneqassallutik
- Kommunimi pinngortitaq tupinnartoq kulturikkut suliaqarfiunissamut tunuliaqutissatut piukkunnarluinnartuuvoq aammalu kulturikkut sulianik pilersarusiornerni ilanngullugu naatsorsuutigineqartariaqarluni

- Pilersaarutit illoqarfinni najukkanilu kulturimik kulturikkullu kingornussanik siammarterinermik sammisaqarfiusut tapersersorneqassapput
- Najukkani katersugaasiviit kaammattorneqarput kulturikkut kingornussat pillugit innuttaasunut siammarterinermik ingerlaavartumik sammisaqaqqullugit
- Eqqumiitsuliat kulturilu illoqarfinni malunnarnerulernissaat pillugu illoqarfinnik pilersaarusiortut kulturimut tunngasunik suliaqartunik suleqateqaleraluttuinnarput, taamaalilluni tamakku uummaarinnerulissapput soqutiginarnerulerlutillu
- Kulturi kommunimi ineriartortitsinerup ilagisariaqarpaa, taamaalilluni Kommuneqarfik Sermersooq illoqarfimmi tamarmi, illuutini silamilu kulturerpalaarnerulissaaq, tamannalu kulturikkut saqqummernissamat kulturikkullu suleqatigiinnernut nutaanut tunngavinngussaaq pilerinartoq.

Illoqarfiit pingaarnersaat kulturikkut qitiusumik piorsaavittut

Kommuneqarfik Sermersuumi kulturikkut inuuneq illoqarfiit pingaarnersaanni nalinginnaasumik qitiuvoq, tamanna ilutigalugu kommunip ilaani tamarmi innuttaasut kommunimullu tikeraat najugarisaanni angallaffigisaannilu kulturikkut pitsaassutsit ataqqineqarput.

Illoqarfiit pingaarnersaannit kulturikkut avatangiisit pilerinartut pilersinneqassapput tamakkulu tikeraanut, takornarianut, inuussutissarsiutigalugu kulturilerisunut qanittumeersunut ungasissumeersunullu ussasaarutaassapput. Nunani allani eqqumiitsuliortunik kulturilerisunillu attavinnik piorsaanerit illoqarfissuarmiit nalinginnaasumik aallaaveqartariaqarput aamma suliatigut paarlaasseqatigiinnernut ineriartortisinernullu tunngavissiisinnaapput kiisalu nunatsinni eqqumiitsuliortut nunani allani takoqqusaarneqassapput nittarsaanneqarlutillu.

Illoqarfiit pingaarnersaat eqqumiitsulianik pinnersaavittut ilisarnaateqassaaq, illoqarfimmillu nutaanik sanaartornikkut nutarterinikkullu ineriartortitsineq annertoq kulturimik suliaqartunik akuliutitsinikkut pissaaq, taamaalilluni illoqarfissuaq kulturikkut orniginartut savituutullu isigineqalerniassamat, tassanilu pinngortitarsuaq tupinnartoq illoqarfimmi pisunut tunuliaqutaassaaq.

Anguniakkat

Illoqarfiit pingaarnersaat najukkani, nunap immikkoortuani, nunatsinni nunanilu tamalaani illoqarfittut kulturileriffittut pilerinartut assigiinngitsorpassuarnik eqqumiitsulialiorfittut kulturikkullu avatangiisilittut, kulturikkut assigiinngitsorpassuarnik malunnaateqarluartunik siunniussisarfittut ilisimaneqassaaq

Tassa imaappoq:

- Illoqarfiit pingaarnersaanni kulturikkut avatangiisit illoqarfimmi piginnaanilinnik inerisaassapput illoqarfimillu attuumassuteqartitsilerlutik, aamma piffissap ilaani nunatsinni nunanilu tamalaani tusaamasanngorpata
- Illoqarfiit pingaarnersaanni innuttaasut tikeraallu kulturikkut neqeroorutini illoqarfimmiittunik ilisimasaqalissapput aamma kulturikkut pisussat aliikkersersuinissallu pillugit paasissutissat sumiinnerannik
- Kulturimut isaaffiliortoqarnissaa (internetikkut) sulissutigineqassaaq, taassumalu illoqarfiit pingaarnersaanni Kommuneqarfik Sermersuumilu tamarmi kulturikkut neqeroorutit ersarissarneqarnissaat qulakkiissavaa
- Nunatsinni nunanilu tamalaani illoqarfiit pingaarnersaat kulturikkut naliitsutut malunnaateqarluartutullu isigineqassaaq taamatullu aamma tuniniarneqassalluni
- Illoqarfiit pingaarnersaat Issittumi illoqarfittut anguniagaqarluarluni kulturimik nammattuussaaq avissaaqqunnissamut sapiissusilik
- Illoqarfimmi kikkunnit tamanit takuneqarsinnaasunik eqqumiitsulianik pisortat suliffeqarfiutaanni illuutinilu allani kusassaanerit illoqarfiit pingaarnersaata eqqumiitsuliornikkut inissisimaffianik ilisarnaataanillu ersarissaasuussapput.

Suliniuteqarfiit pingaarnert

Kultur pillugu politikimi killiussat periutsini iliusissatullu pilersaarummi kultur pillugu politikimik piviusunngortitsinissami suliassatut tullertut immersorneqassapput ersarissarneqarlutillu. Suliassaqarfiit nalinginnaasut periutsini iliusissatullu pilersaarummi eqqarsaatersuutigineqartut suliniuteqarfiusunut tullinnguuttunut makkununga agguataarneqarsinnaapput:

- Aningaasaqarneq
- Aaqqissuussaaneq
- Najukkani pissutsit
- Suleqatigiinneq
- Kulturikkut inuunermi suliassaqarfinnik assigiinngitsunik nukittorsaanerit.